

T 7903/1383(29)

CHINESE-JAPANESE LIBRARY  
HARVARD-YENCHING INSTITUTE  
AT HARVARD UNIVERSITY

MAR 24 1958

共世二廿九

古方

固因



景岳全書

五十九之六十

Faded vertical text columns on the right page, likely bleed-through from the reverse side.

贊

生

景岳全書卷之五十九宙集

古方八陣

會稽 張介賓 會卿著

會稽 曾超 謙菴訂

# 固陣

局方 牡蠣散

治諸虛不足及大病後體虛津液不固常常自

汗

黃底 蜜炙

麻黃根

牡蠣 吸焯醋中各二錢半

水一鍾半加小麥百粒煎八分食遠溫服

固陣

固陣

牡蠣白朮散 治漏風證以飲酒中風汗多食則汗出如洗

久而不治必成消渴

牡蠣 煨一錢 白朮 炒 各二錢 防風

水二鍾煎八分食遠溫服

宣明白朮散 三 治虛風多汗食則汗出如洗少氣痿弱不治必

為消渴證

白朮 二兩 防風 五兩 牡蠣 煨六錢

右為末每服一錢溫水調下不拘時○如惡風倍白朮○如

多汗而腫倍牡蠣○按此方雖與前同而用法不同故并存

之

神效麥麩湯 四 治心虛盜汗

麥麩 炒黃色 一錢 防風 白朮 炒 牡蠣 煨醋淬

黃芪 蜜炙一錢半

水一鍾半棗二枚煎八分調服辰砂妙香散極效在後十五

黃芪湯 五 方在補陣四六

治自汗盜汗

聖惠寧肺散 六 治新久欬嗽肺氣不通咯唾膿血自汗欬嗽常

年不愈者服之立止并坐臥不安語言不出等證

烏梅肉 七分 罌粟殼 二錢去筋蜜炙

右為細末不拘時烏梅湯調下

選要安眠散 七 治上欬嗽久而不止

欵冬花 麥門冬 烏梅肉 佛耳草 各四分

橘紅 五分 炙甘草 三分 粟殼 蜜炙一錢

右為末水一鍾煎八分入黃蠟如棗核許煎化臨睡溫服

丹溪百藥煎 八 劫嗽立止

百藥煎 訶子 荆芥穗 等分

右為極細末蜜丸噙化

集三妙湯 九 治久嗽

烏梅肉 二個 北棗 三枚 粟殼 蜜炙四個

水一鍾半煎七分食後服

九仙散 十 治一切欬嗽不已

人參 欵冬花 桔梗 桑白皮

五味子 阿膠 貝母 烏梅 各五分

御粟殼 二錢蜜炙

水一鍾半薑一片棗一枚煎七分食遠服

劫嗽丸 十一 治久嗽失氣失聲者宜此斂之新欬者不宜用

也

訶子肉

百藥煎

荊芥穗

等分

右為細末蜜丸噙化

五味子丸 十二

劫欬嗽如神

五味子 五錢

甘草 二錢半

文蛤

風化硝

各一錢

右為末煉蜜丸芡實大噙化

罌粟丸 十三

治一切久嗽勞嗽一服即愈

罌粟殼

新者一半去蒂切焙乾

陳者一半泡去筋膜

炒各一兩

右共為末蜜丸彈子大臨睡嚼服一九○一方用罌粟子半斤淘淨焙乾炒黃為末沙糖丸彈子大每服一九臨臥綿包

舍化

統  
潤肺丸 十四

治欬嗽

訶子

五味子

五倍子

甘草

等分

右為末蜜丸噙化○久嗽者加罌粟殼

良  
辰砂妙香散 十五

治心氣不足驚癇或精神恍惚虛煩少

氣少睡夜多盜汗心虛遺精白濁服之安神鎮心

黃芪

山藥

薑汁炒

茯苓

茯神

遠志 甘草湯制 各一兩 人參

炙甘草 桔梗 各五錢

木香 二錢 射香 一錢另研 硃砂 三錢另研

右為末每服二錢不拘時溫酒調下或用麥麩湯調下

局方 玉荆公妙香散 十六 安神秘精定心氣

人參 龍骨 五色者 益智 各一兩 白茯神

白茯苓 遠志 制 甘草 炙各五錢 硃砂 飛二錢半

右為末每服二錢空心臨臥溫酒調下

本 事 金鎖丹 十七 治夢泄遺精關鎖不固

船荷 葫蘆巴 破故 炒 白龍骨 各一兩

木香 兩半 胡桃肉 三十個 研膏 羊腎 三對切開用鹽半兩擦炙熟搗膏

右為末和二膏加酒浸蒸餅為丸桐子大每服三五十九空

心鹽湯下

和劑 金鎖正元丹 十八 治真氣不足遺精盜汗目暗耳鳴吸吸

短氣四肢痠倦一切虛損等症

補骨脂 一兩酒浸炒 肉蓯蓉 酒洗 焙 紫巴戟 去心 葫蘆巴 炒各一斤

文蛤 八兩 茯苓 去皮六兩 龍骨 二兩 硃砂 三兩另研

右為細末酒糊丸桐子大每服二十九空心溫酒鹽湯任下

萬 氏 金鎖思仙丹 十九 治男子嗜慾太過精血不固此澁以去

脫之劑

蓮蕊

芡實

石蓮子各十兩金櫻膏三斤

右以金櫻煎膏如錫入前三味藥末和丸桐子大空心鹽酒下三十九服久精神完固大能延年平時服食忌葵菜車前子

醫林金鎖匙丹二十

治男婦精滑遺泄不禁夢與鬼交

茯苓

茯神各二錢遠志制

龍骨煨各三錢

左股牡礪煨四錢

右為末酒糊丸桐子大每服四十九空心鹽湯或酒下

玉鎖丹二二

治玉門不閉遺精日久如水之漏不能關束者

文蛤八兩

白茯苓二兩白龍骨一兩

右為細末米糊丸桐子大每服七十九空心淡鹽湯下臨睡更進一服極效

御藥玉鎖丹二二

治精氣虛滑遺泄不禁

龍骨

蓮花蕊

雞頭子

烏梅肉等分

右為末用熟山藥去皮為膏和丸小豆大空心米湯下三十丸

經驗水陸二仙丹二三

治精脫腎虛夢遺白濁等證與補陰



藥同用甚有奇效

金櫻子 一斤

用金櫻子不拘多少入粗麻布袋內擦去

毛刺搗爛入缸以水沒頭浸一二宿濾去粗取汁以棉

濾二三次却入銅鍋用桑柴文火熬成膏取起以磁瓶

收貯聽用

芡實粉 一斤

右二味和勻丸桐子大每服二三百丸空心淡鹽湯下

經驗金櫻丸 二四

治夢遺精滑小便後遺溺

金櫻子

芡實

各一兩

龍骨

煨

白蓮蕊

各五錢

右為末糊丸桐子大每服八十九空心鹽酒下

正傳 經驗秘真丹 二五

治腎虛遺精夢泄白濁等證

禿絲子 制

韭子

破故 炒

杜仲

薑湯炒

乾薑

炒各一兩

龍骨

牡蠣 煨

山茱英

赤石脂

各五錢

遠志

覆盆子

巴戟肉

枸杞

山藥

各七錢

鹿角膠

一兩

柏子仁

一兩

金櫻子

取黃者去刺核焙淨肉二兩

黃柏

鹽酒炒七錢五分

右為細末煉蜜丸桐子大每服百丸空心薑鹽湯下

局方 鎖精丸 二六

治白濁白帶小便頻數

破故紙

青鹽

白茯苓

五味子

炒等分

一方用五倍子

右為末酒糊丸桐子大每服三十九空心温酒下

東垣固真丸 二七

治精滑久不愈

牡蠣 不拘多少

用砂鍋內煨醋淬七遍為末

右以醋糊為丸桐子大每服五七十九空心鹽湯下

良方固真散 一八

治纔睡着即泄精此二味大能澁精固真氣

煖下元

韭子 一合

白龍骨 一兩

右為細末每服二錢空心用酒調服

濟生固精丸 二九

治下元虛損白濁如脂或胞氣虛寒腰重少

力小便無度並效

牡蠣 煨

兔絲子 酒浸蒸炒

龍骨 煨

北五味 炒

白茯苓

桑螵蛸 酒炙

白石脂 煨各等分

右為細末酒糊丸桐子大每服七十九空心鹽湯下

直指固精丸 三十

治腎虛有火精滑心神不安

黃柏 酒炒

知母 酒炒各一兩

牡蠣 煨

龍骨 煨

蓮蕊

芡實

山茱萸

遠志

甘草製

茯苓 各三錢

右為末，山藥糊丸，桐子大，每服五十九，空心溫酒下。

白固元丹 三一

治元臟久虛遺精白濁五淋及小腸膀胱疝

氣婦人赤白帶下血崩便血等疾，以小便頻利為效。

好蒼朮刮淨，米泔浸咀片一斤，擇堅而小者佳，惟茅山

者尤妙，分作四分制之。○一分用小茴香食鹽各一兩同

炒。○一分用川椒補骨脂各一兩同炒。○一分用川烏頭

川練子肉各一兩同炒。○一分用醇醋老酒各半斤同煮

乾焙燥。

右連炒諸藥同為末，用酒煮糊丸，桐子大，每服三五十丸，男  
以溫酒，女以醋湯空心下。○此高司法方也。

御藥 秘元丹 三二

治內虛裏寒自汗時出小便不禁

白龍骨 三兩

訶子肉

砂仁 各一兩

靈砂 二兩

右為末，煮糯米粥丸，桐子大，每服五十九，空心鹽酒下。

韭子丸 三三

治虛勞寒脫漏精

韭子 炒

車前子

天雄 制

兔絲子 酒煮另搗

龍骨 各一兩

鹿茸 酥炙

乾薑 炮

桑螵蛸 炒各三錢

右為末，煉蜜丸，桐子大，每服二三十丸，空心黃芪湯下。

三因家韭子丸 三四

治少長遺溺及男子虛劇陽氣衰敗小便

白濁夜夢遺精此藥補養元氣進美餘食○按此方當除去

石斛倍用兔絲庶乎尤效

家韭子炒六兩 鹿茸酥炙四兩 肉蓯蓉酒浸 牛膝酒浸

熟地 當歸各二兩 兔絲子酒煮 巴戟肉各一兩半

杜仲炒 石斛 桂心 乾薑炮各一兩

酒糊丸桐子大每服五七十九加至百餘丸食前温酒鹽湯任下○凡小兒遺尿者多因胞寒亦稟受陽氣不足也○作

小丸服之

小免絲子丸 三五

治腎氣虛損目眩耳鳴四肢倦怠夜夢遺

精

兔絲子制五兩 石蓮肉二兩 白茯苓一兩 山藥炒二兩分

用山藥糊丸桐子大每服五十九空心温酒鹽湯任下○一

方有五味子一兩治小便多而不禁

局方大免絲子丸 三六 治腎氣虛損五勞七傷脚膝痠痛面色

黎黑目眩耳鳴心忡氣短時有盜汗小便滑數

兔絲子酒制 鹿茸酥炙 肉桂 石龍肉去土

附子炮 澤瀉各一兩 熟地 牛膝酒浸一宿

山茱萸

杜仲炒

茯苓

肉蓯蓉

酒浸切焙

續斷

石斛

防風

補骨脂

酒炒

萆撥

巴戟肉

茴香炒

沉香

各三兩

川芎

五味

桑螵蛸

覆盆子

各五錢

右為末酒煮麩糊丸桐子大每服三五丸空心鹽湯溫酒任

下

濟生兔絲子丸三七

治小便多致失禁

兔絲子制

肉蓯蓉

酒浸各二兩

牡蠣煨

附子炮

五味子

鹿茸

酒炙各一兩

雞胫胫

炙乾五錢

桑螵蛸

酒炙五錢

右為末酒糊丸桐子大每服七十九丸空心鹽湯溫酒任下

局方茯兔丸三八

治思慮太過心腎虛損真陽不固尿有餘瀝

或小便白濁夢寐遺精等證

兔絲子

制五兩

白茯苓

三兩

石蓮肉

二兩

酒糊丸桐子大每服三五丸空心鹽湯或米湯下○一方

有北五味子四兩兼治三消

猪肚丸三九

治小便頻數

蓮子一斤

以猪肚一個同煮一周日取出去皮心焙乾

為末

船茴香

破故紙

川棟子

母丁香 各一兩

右為末煉蜜丸桐子大每服五十九丸空心温酒送下

經驗猪肚丸 四十

止夢遺泄精進飲食健肢體此藥神應瘦

者服之白肥莫測其理

白朮

兩 麩炒五

苦參

兩 白者三

牡蠣

左扇者煨研四兩

右為末用雄猪肚一具洗淨以磁罐煮極爛木石白搗如泥

和藥再加肚汁搗半日丸如小豆大每服四五十九丸日進三

服米飲送下久服自覺身肥而夢遺永止

良方

三仙丸 四一

治夢遺精滑

益智仁

二兩用鹽二兩同炒去鹽

烏藥

一兩半炒

山藥

一兩炒

右為末山藥煮糊丸桐子大每服七十九丸空心茯苓湯送下

丹溪

九龍丸 四二

治腎虛精滑

金櫻子

枸杞

山茱萸

蓮蕊

蓮肉

當歸

熟地

芡實

白茯苓

各等分

右為末酒糊丸桐子大每服五六十九丸或酒或鹽湯下

小温金散 四三

治心腎虛熱小便赤白淋瀝或不時自汗等

證

人參

蓮肉 去心

巴戟肉

益智

黃芪 蜜炙

麥冬 去心

赤茯苓

草薺 酒浸炒

炙甘草 各一錢

燈心十莖棗一枚水煎服

仁蓮子六一散 四四

治心經虛熱赤濁

石蓮子 六兩 炙甘草 一兩

為末每服三錢燈心湯調下

和劑 威喜丸 四五

治元陽虛憊精滑白濁遺尿及婦人血海久

冷淫帶夢泄等證

白茯苓 去皮四兩切塊同猪苓二錢五分同於磁器內

煮二十餘沸取出晒乾不用猪苓

黃蠟 四兩

右以茯苓為末熔黃蠟搜和為丸如彈子大每空心細嚼滿口生津徐徐嚥服以小便清利為效忌米醋惟糠醋可用尤

忌氣怒動性

五子丸 四六 治小便頻數時有白濁

兔絲子 酒蒸 家韭子 炒 益智 茴香 炒

蛇牀子 去皮炒

右各等分爲末酒糊丸桐子大每服七十九米飲鹽湯任下

遠志丸 四七 方在補陣百十四

治神魂恍惚夢泄遺精

本猪苓丸 四八 此方以行爲止治濕鬱熱滯小水頻數夢遺

精滑

半夏一兩 將半夏破如豆粒用猪苓爲末二兩先將一

兩炒半夏色黃勿令焦出火毒取半夏爲末糊丸桐子

大候乾用前猪苓末一半又同炒微裂入磁瓶內養之

空心温酒鹽湯下三四十丸常又服於未申間以温酒

下

泄瀉經驗方 四九 治泄瀉飲食少進

用糯米一升水浸一宿瀝乾慢火炒令極熟磨細羅如飛

麩加懷山藥一兩炒研末和米粉內每日清晨用半盞

入白糖二匙川椒末少許將極滾湯調食其味甚佳且

不厭人大有資補久服之其有精寒不能成孕者亦孕

矣

固腸散 五十 治脾胃虛弱內寒主泄水穀不分下痢膿血赤

少白多腸滑腹痛心腹脹滿食減力乏



陳米炒二兩

木香一錢

肉豆蔻生

栗殼蜜炙各二錢

乾薑炮

炙甘草各二錢半

右為末每服二錢水一鍾薑三片棗一枚煎七分不拘時溫

服忌酒猪肉魚腥生冷

白木聖散子五一

方在熱陣一三七

治一切瀉痢久不瘥

陳氏肉豆蔻丸五三

方在小兒五六

治瀉痢腸滑不止

醫固腸丸五三

治瀉痢日夜無度

人參

附子制

阿膠炒

龍骨研

肉豆蔻麩煨

赤石脂煨醋

乾薑炒

木香各一兩

白朮炒

訶子肉各二兩

沉香五錢

右為末粳米糊丸桐子大每服七八十丸米飲下

局方大斷下丸五四

治藏府停寒下痢不已

乾薑炮

高良薑

細辛各兩半

附子制

牡蠣煨

龍骨研

赤石脂煨

肉豆蔻麩煨

訶子肉

桔礬

酸石榴皮

醋浸一宿炙黃用各一兩

右為細末醋煮麩糊為丸桐子大每服五七十九丸米飲送下

東垣椿反散 五五

治血痢及腸風下血神效

椿根白皮

枯白礬

各二兩

槐角子

四兩

炙甘草

一兩

右為細末每服三錢米飲調下

桃花丸 五六

治腸胃虛弱冷氣乘之臍腹攪痛下痢腸滑不

禁日夜無度○此即仲景桃花湯之法方見熱陣一四七

赤石脂

煨醋

乾薑

炮等分

右為末湯浸蒸餅丸梧子大每服百餘丸食前米飲下日三服○若痢久虛滑去積不已用蒼朮二兩防風五錢水一碗煎至半碗下此丸小便利則安

生地黃湯 五七

治熱痢便血崩淋不止

生地黃 五錢

地榆 七錢半

炙甘草 二錢半

右咬咀用水二鍾煎一鍾分空心日晚二服

香梅丸 五八

治腸風下血服之即止

烏梅肉

白芷

百藥煎

燒存性

右為末米糊丸桐子大每服五六十九空心米湯下

勝金丸 五九

一名百藥散○治腸風下血溺血不止及臟毒

便血

百藥煎 三兩

生用一兩

炒焦一兩

燒存性一兩

右為末軟飯和丸或蜜丸桐子大每服五七十九空心米飲下或人參湯下

濟生烏梅丸 六十 治大便下血如神

疆蚕 炒一兩 烏梅肉 一兩半

右為末醋糊丸桐子大每服四五十九空心醋湯下

縮泉丸 六一 治脬氣不足小便頻多

烏藥 益智 等分為末

酒煮山藥糊為丸桐子大每服五七十九空心鹽湯下

四味肉苁蓉丸 六二 治稟賦虛弱小便遺數不禁○此即集

要四神丸補陣百六十

熟地 六兩 五味子 四兩 肉苁蓉 酒洗去甲八兩 兔絲子 制二兩

酒煮山藥糊丸桐子大每服七八十九空心鹽酒下

固脬丸 六三 治遺尿不覺小便不禁

兔絲子 制三兩 茴香 一兩 桑螵蛸 炙 製附子 各五錢

戎鹽 一錢

右為末酒煮麩糊丸桐子大每服三十九空心米飲下

牡蠣丸 六四 治小便不禁

牡蠣 三兩 用磁器盛以益末一兩鋪底蓋面用炭火約

五斤燒半日取出研

赤石脂 三兩 搗碎醋拌勻濕於鐵鍋內慢火炒乾研粉

右用酒糊丸桐子大每服五十九空心鹽湯下

心 茴香益智丸 六五 治老人陽虛失禁及房勞傷腎遺瀉

小茴香 鹽炒 益智仁 炒 故紙 酒炒 川烏 炮

烏藥 各一兩

右為末山藥糊丸桐子大每服八十九鹽湯下

瀉血方

文蛤 炒為末

右以烏梅肉浸爛搗膏丸桐子大空心酒下五六十丸

會稽 張介賓 會和著

會稽 魯 謙著訂

因障

以下眼目方

原 當歸補血湯 治男婦亡血過多以致睛珠疼痛不能視

物羞明酸澀眼光無力眉骨太陽酸痛

景岳全書卷之五十九終

全書卷五十九 固陣

赤石脂 搗碎醋拌勻濕於鐵鍋內慢火炒乾研粉

右用酒糊丸桐子大每服五十九空心鹽湯下

治老人陽虛失禁及房勞傷腎遺瀉

小茴香 益智仁 故紙 川烏

烏藥 各一兩

右為末山藥糊丸桐子大每服八十九鹽湯下

血方

本以烏藥肉桂麝香膏以酥子大空心酒下正六十成

景岳全書卷之六十宙集 古方八陣

會稽 張介賓 會卿著

會稽 魯 趙 謙菴訂

# 因陣

以下眼目方

原機 當歸補血湯 治男婦亡血過多以致睛珠疼痛不能視

物羞明酸澆眼光無力眉骨太陽酸痛

當歸

熟地黃 各二錢 白芍藥 牛膝

白朮

生地黃

天門冬

各一錢

川芎

防風

炙甘草

各五分

水二鍾煎八分稍熱服○如惡心不進食者加生薑煎

益氣聰明湯

治目中內障初起視覺昏花神水淡綠色或

淡白色久則不睹漸變純白或視物成二等症并治耳聾耳

鳴

人參

黃芪

各五錢

升麻

葛根

炙甘草

各三錢

芍藥

黃柏

各二錢

蔓荆子

錢半

右每服四五錢水二鍾煎一鍾臨睡熱服五更再服

東垣

蔓荆子湯

治勞倦飲食不節內障眼病此方如神

蔓荆子

二錢半

人參

黃芪

各一兩

炙甘草

八錢

黃柏

酒拌炒  
四遍

白芍藥

各三錢

右咬咀每服四五錢水二盞煎一盞去粗臨臥溫服

益陰腎氣丸

四

治足三陰虧損虛火上炎致目睛散大視物

不的或昏花緊澁作痛羞明或卒見非常等證其功與六味

還少丹同類

熟地

二兩酒洗

生地

歸尾

酒洗

丹皮

五味

山藥

山茱萸

柴胡

茯苓

澤瀉 各二錢半

煉蜜丸桐子大，水飛硃砂為衣，每服五七十九丸，空心淡鹽湯

下

濟陰地黃丸 五

治證同上

熟地 倍用

山藥

山茱萸

當歸

枸杞

巴戟肉

麥冬

肉蓯蓉

五味子

甘菊花 各等分

煉蜜丸桐子大，每服七八十九丸，空心白湯下

神效黃芪湯 六

方在補陣四九

治目緊縮小及羞明畏日視物不明

局方

明目地黃丸 七

治男婦肝腎俱虛，風邪所乘，熱氣上攻，翳障目澁多淚

障目澁多淚

熟地黃

生地黃

各一斤 牛膝 三兩

石斛

枳殼

杏仁

去皮尖炒

防風 各四兩

煉蜜丸桐子大，每服七八十九丸，食前鹽湯下

簡易加減駐景丸 八

治肝腎氣虛，兩目昏翳，視物不明

熟地

當歸

各五兩

兔絲子

酒煮

枸杞

車前子 炒

五味子

各二兩

楮實子

川椒

炒各一兩

右為末煉蜜丸桐子大每服七木十九食前溫酒下

東垣滋陰地黃丸九 治足三陰虧損虛火上炎致目睛散大視

物不的或昏花緊澁作痛羞明兼眵多燥熱赤爛者○一名

乾熟地黃丸

熟地 一兩 歸身 酒制 黃芩 各半兩 天冬 焙

甘草 炙 枳殼 柴胡 五味子 各三錢

人參 地骨 各二錢 黃連 三錢 生地 酒洗一兩半

煉蜜丸桐子大每服百丸食前茶湯下日三服

謙遠晴散十 治翳膜遮睛昏澁淚出瘀血努肉攀睛

川芎 龍胆草 草決明 石決明

荆芥穗 甘菊花 羌蔚子 楮實子

白茯苓 各一兩 白蒺藜 炒 木賊 甘草 各七錢

川椒 炒出汗一錢

右為細末每服二錢食後茶清調下日三服忌一切雞魚厚

朱及蕎麥麩熱物

八味還睛散十一 治肝肺停留風熱翳膜遮睛痛澁眵淚

白蒺藜 炒去刺 防風 甘草 木賊

山梔仁 各七錢 草決明 一兩 青箱子 二錢 蟬脫 一錢



右為細末每服二錢食後麥門冬湯調服

還睛丸 十二 治男婦風毒上攻眼目腫痛怕日羞明多眵隱

澁難開臉背紅爛瘀肉攀睛或暴赤痛甚又治偏正頭風頭

痛皆有奇效

白朮

兔絲子 制

青箱子

防風

羌活

白蒺藜 炒去刺

蜜蒙花

木賊

炙甘草 等分

煉蜜丸彈子大每服一九細嚼白湯送下空心食前日二服

正傳 祖傳固本還睛丸 十三

治遠年一切目疾內外翳膜遮睛

風弦爛眼及老弱人目眵多糊迎風冷淚視物昏花等症悉皆治之

天門冬

酒浸一宿另研如泥

麥門冬

生地黄

酒浸焙

熟地黄

酒洗各三兩

人參

白茯苓

乾山藥

枸杞 各兩半

川牛膝

酒洗

石斛

酒洗

草決明

微炒

杏仁

去皮另研

枳殼

麩炒黃

兔絲子

酒浸煮

甘菊花

用小金錢谷一兩

羊角

細剉取淨末

烏犀角

剉用

青箱子

微炒

防風

去蘆各八錢

五味子

焙乾

炙甘草

黃連 去鬚

白蒺藜 取仁

川芎 各七錢

右為末蜜丸梧子大每服五七十九丸鹽湯下

定志丸 十四 方在補陣百十七

治陽氣不足眼目不能近視

地芝丸 十五 治目不能遠視但可近視或并不能乃陰氣不

足也宜用此方

生地黃 四兩

天冬

枳殼 麩炒

甘菊花 各二兩

煉蜜丸桐子大每服百丸茶清或溫酒下

東垣 助陽和血湯 十六 治眼發之後猶有上熱白睛赤色癢澁

難開而多眵淚等證

黃芪

當歸 酒洗

柴胡

炙甘草

防風 各五分 升麻 七分

白芷 三分

蔓荆子 二分

水煎熱服

東垣 芎辛散 十七

治兩眼風熱晝夜隱澁難開羞明惡日視物

昏暗赤腫而痛

細辛 二分

芎藭

蔓荆子 各五 甘草

白芷 各一錢 防風 一錢半

右以咀水二盞煎一盞臨臥溫服

東明目細辛湯十八  
治兩目發赤微痛羞明畏日怯風惡燈

火多眵癭游鼻塞流涕津唾稠粘大便微硬

細辛 麻黃 羌活 蔓荊子

防風 藁本 川芎 荆芥穗

白茯苓各四分 生地黃 歸尾各八分 花椒七粒

水二鍾煎八分食後臨臥稍熱服

决明夜光散十九  
治眼目夜昏雖有燈月亦不能視

石决明 夜明砂各二錢 猪肝一兩

右以藥為末乃將竹刀切肝為二片鋪藥於內合定用麻皮

縛之以米泔水一椀用砂鍋煮至半椀臨臥連肝連汁俱服之

石斛夜光丸 二十  
治神水散大昏如霧露眼前黑花視物成

二久而光不收斂及內障瞳人淡白綠色

石斛酒洗五錢 人參 生地 熟地酒洗

麥門冬 天門冬 白茯苓 防風

草决明 黃連酒炒各一兩 羚羊角鎊 犀角鎊

川芎 炙甘草 枳殼麩炒 青箱子微炒

五味子炒 肉蓯蓉酒洗去鱗炙各五錢 牛膝酒洗

白蒺藜

炒去刺

鬼絲子制

家菊花

山藥

杏仁

枸杞各七錢

右為末煉蜜丸梧子大每服三五十九溫酒鹽湯任下

東垣

瀉熱黃連湯

二一

亦名黃連飲子○治眼暴發赤痛

黃連

酒炒

黃芩

酒炒

龍膽草

生地

柴胡

各一錢

升麻

五分

水煎於午前或飯後熱服

東垣

黃芩黃連湯

二二

治兩眼血熱赤痛

黃芩

黃連

草龍膽

俱各酒洗炒

生地

酒洗

東垣

當歸龍膽湯

二三

治眼中白翳

歸身

龍膽草

酒洗

黃芩

酒炒

黃柏

酒炒

芍藥

各八分

黃芪

黃連

甘草

各五分

防風

羌活

升麻

柴胡

五味子

石膏

各五分

水二盞煎一盞去粗入酒少許臨臥熱服忌言語

芍藥清肝散

二四

方在寒陣六一

治赤脉貫睛眵多眵瞤緊澁羞明臟腑秘結

全書卷之十一

因陣

蟬花散 二五

治肝經風熱毒氣上攻眼目赤痛及一切內外

翳障

蟬蛻

甘菊花

穀精草

羌活

甘草 炒

白蒺藜 炒

草決明

梔子 炒

防風

蜜蒙花

荆芥穗

木賊

川芎

蔓荊子

黃芩 各等分

右為末每服二錢食後茶清調下

五味瀉白散 二六

治風熱翳膜血筋一切肺熱外障

當歸

生地

芍藥

梔子

黃芩 各等分

每服三五錢為散為湯任服

明目羊肝丸 二七

治肝虛風熱冷淚赤澣內外障眼

黃連 三兩

家菊花

龍膽草

石決明 煨

人參

當歸

熟地

枸杞

麥冬

牛膝

青鹽

黃柏

柴胡

防風

羌活 各八錢

肉桂 四錢

羯羊肝 一具

焙乾為末

右為末煉蜜丸桐子大每服三四十九溫湯下

黃連羊肝丸 二八

治前證

單用黃連一味同羊肝俱為末煉蜜丸服。○濟生方用生羊肝去筋膜同黃連搗丸桐子大每服五六十九溫水下。

黃連天花粉丸 二九

治兩眼赤痛眵多眊燥緊澁羞明赤脉

貫睛藏府秘結

黃連 酒炒

天花粉

家菊花

川芎

薄荷葉

連翹 各一兩

黃芩

梔子

各四兩

黃柏 酒炒六兩

右為細末滴水丸梧子大或用蜜丸每服五七十九或百丸

食後臨睡茶湯下

局方

蜜蒙花散 三十

治風氣攻注兩眼昏暗眵淚羞明并暴赤

腫翳障

蜜蒙花

羌活

白蒺藜 炒

木賊

石決明 各一兩

甘菊 三兩

右為末每服二錢食後茶清調下

春雪膏 三一

點赤眼

朴硝置豆腐上蒸之待流下者瓦器盛點之

玄明春雪膏 三二

治時氣熱眼

立明粉

半兩

月石

三錢

冰片

三分

右乳無聲磁罐密收用時點二大眥內

龍腦黃連膏

三三

點赤熱眼

龍腦

一錢

黃連

去毛淨酒炒八兩

先到黃連令碎以水四碗貯砂鍋內入連煮至一大碗搥去滓入薄磁碗內重湯煮成膏半盞許以龍腦為引或用時旋入尤妙

立消膏

三四

治浮翳宿障霧膜遮精

雪白鹽

淨器中生研如塵

右以大燈草蘸鹽少許輕手指定浮翳點上凡三次即沒亦不疼痛

黃連甘石散

三五

治眼眶破爛畏日羞明

蘆甘石

制一斤

黃連

四兩

龍腦

量加

先以黃連研極細同甘石再研俱用細縐紗篩過收貯用時取一二兩加入龍腦用井花水調如稠糊臨睡抹敷破爛處不破爛者點眼內眥勿使入眼珠內為妙

黃連人參膏

三六

治目赤痒痛

宜黃連

人參

各五分或一錢

右切碎用水一小鍾同浸飯鍋蒸少頃取出冷定頻點眼角  
自愈或於臨用時研入冰片少許更妙○一方用人乳浸  
黃連頻點皆中抱朴子云治目中百病○一方用黃連少加  
生白礬以人乳浸蒸點抹眼角大效

丹砂散 三七 點治諸眼皆妙此李時珍方也

硼砂

海螵蛸

去壳

蘆甘石

上好者煨碎童便七次  
飛各一兩

硃砂

五錢用此則不熱

右為極細末磁瓶收貯臨用少加冰片研點極妙

清涼膏 三八 治眼目赤腫不能開痛悶熱淚如雨

生南星

腦荷葉

各半兩

荆芥

百藥煎

外無即用法

右各三錢為末井水調成膏貼眼角上自然清涼

正傳 光明丹 三九

治一切風熱上壅兩目赤腫淫痛爛弦風眼

及內外翳障

製甘石 一兩

朱砂

一錢

硼砂 二錢

輕粉 五分

冰片 三分

麝香 一分

以上用乳鉢研極細收貯為用○加磁赤腫痛加乳香沒藥  
各五分○內外翳障加珍珠五分胆礬二分○爛弦風眼加  
銅綠五分黃丹五分○或以諸藥合一以治諸般眼疾右各



研為細末，并一處再研二日，用磁器密收，勿令泄氣。點眼絕妙。

青火金鍼 四十

治頭風牙痛赤眼

火硝 一兩

青黛 一錢

腦荷

川芎 各五分

右為細末，口噙冷水，勿嚥，用此藥吹鼻。

赤火金鍼 四

治赤眼頭風冷淚鼻塞耳鳴牙疼

火硝 一兩

川芎

雄黃

乳香

沒藥

石膏 各一錢

右為細末，每用一二分，如前吹鼻，二次愈。

吹鼻六神散 四二

治眼目暴發赤腫熱淚昏澁及頭腦疼痛

煇硝 提淨五錢

白芷

雄黃

乳香 制

沒藥 制

腦荷葉 各一錢

右為細末，磁罐收貯，左吹右，右吹左，先令病人口含水吹之。

其氣上行，須臾覺效，頭痛吹法亦然，或兩鼻皆吹之。若久患

眼疾者不可吹。

東垣點鹽法 四三

明目去昏翳，大和老眼得補法之良。

用海鹽 二斤揀淨

以百沸湯泡濾，取清汁，於銀石器內熬取

雪花白鹽，磁器盛貯，每早用一錢擦牙，以水漱口，用左右手

指互以口內鹽津細洗兩眼大小皆內閉目良久却用水洗面能洞視千里明月堅齒極妙之法蘇東坡手錄目赤不明昏花老眼惟宜此法大效

洗爛弦風赤眼方 四四 一名萬金膏○此藥之效如神人家

所不可少無目病則以施人價廉功倍濟人甚大

文蛤

黃連

去毛淨

防風

荆芥穗

各五錢

苦參

四錢

銅絲

五分

右為極細末外以薄荷煎湯丸彈子大臨用時以熱水化開乘熱洗眼日三次立愈神效○一方南當歸川芎各四錢

傅爛弦歌 四三

爛弦百藥煎為

研細湯澄粗去之

熬作稀厚入鹽粉

鹽湯洗了傅之宜

搜風散 四六

箍風熱眼及腫痛

黃連

大黃

朴硝

黃丹

等分

右為末以苦參煎湯少加煉過白蜜同調敷眼四弦甚妙

拜堂散 四七

傅風熱眼倒睫爛弦

五倍子不拘多少為末蜜水調敷患處

湯泡散 四八

治肝虛風熱攻眼赤腫羞明漸生翳膜

杏仁

防風

黃連去鬚

赤芍藥

歸尾

各半兩

銅青

二錢

薄荷葉

三錢

右劉散每用三四錢沸湯泡乘熱先薰後洗冷則再煖又洗

每日三兩次○一方加白鹽少許閉目沃洗尤能散血

收淚散

四九

治風淚不止

海驪峭

五分

然片

少許

綠蘆甘石

一錢

右乳極細末點大眥角淚即收上二藥以燥濕片腦以辛散

去星

五十

凡胡椒萆菜根橘葉菊葉之類皆可杵爛為丸用綿裹塞鼻

中觸之過夜則星自下

眼目打傷青腫

五一

以生半夏為末水調塗之即愈

明目第一方

五二

此方始於上陽子以授魯東門左丘明杜

子夏左太冲凡此諸賢皆有目疾得此皆愈

夜省看書一

減思慮二

專內視三

簡外視四

晨興遲五

夜眠早六

凡此六事熬以神火下以氣飲蘊於胸中納諸方寸修之一

時長服不已非但明目亦可延年

以下耳病方

桂星散 五三 治風閉耳聾

官桂 川芎 當歸 石菖蒲

細辛 木通 木香 白蒺藜 炒去刺

麻黃 去節 甘草 炙各一錢 白芷 稍 天南星 煨裂各錢半

水二鍾葱白二根紫蘇五葉薑五片煎八分食後服○一方

加全蝎去毒一錢

類方 復元通氣散 五四 治諸氣閉澁耳聾及腹癰便癰瘡疽無

頭者能止痛消腫

青皮 橘紅 各四兩 甘草 炙三寸 連翹 一兩

右為末熱酒調服一二錢

補腎丸 五五 治腎虛耳聾

巴戟 去心 乾薑 炮 白芍藥 山茱萸

人參 黃芪 當歸 熟地黃

遠志 制 肉苁蓉 酒洗 兔絲子 制 蛇牀子

牡丹皮 附子 炮 石斛 細辛

澤瀉 桂心 甘草 各二兩 石菖蒲 一兩

茯苓 半兩 防風 一兩 羊腎 二枚

右為末將羊腎用酒煮研爛仍加酒煮麩糊丸桐子大每服五七十九丸空心鹽酒送下

聰明益氣湯 五六 治腎虛耳聾

黃芪 一錢 人參 炙甘草 當歸 酒洗

白朮 各五分 橘紅 菖蒲 防風

荆芥 各三分 升麻 柴胡 各二分

右水煎服

肉蓯蓉丸 五七 方在補陣一五五

治腎虛耳聾

聆耳明礬散 五八 治膿耳

枯礬 龍骨 研各二錢 黃丹 飛錢半 乾胭脂 七分

射香 少許

右為細末先須以綿杖纏拭去膿別用綿杖蘸藥引入耳中如無乾胭脂即以濟寧油胭脂同枯礬拌擦如粉用之○又紅玉散止枯礬乾胭脂射香三味等分用○一方單用枯礬吹入即愈

聾耳流膿方 五九

用菖蒲根水洗淨搗取汁先以綿錠將耳中膿水攪淨然

後將蒲汁灌入盪洗數次全愈最妙者

白龍散 六十 治小兒腎熱上衝於耳生膿作痛或因沐浴水

入耳中亦令作膿謂之停耳久而不愈則成聾

枯礬

黃丹

龍骨 各五分 射香 一分

右為極細末先以綿杖子展盡耳內膿水用藥一字分摻兩耳日二次勿令風入

百虫入耳 六一

用香油滴入耳中即出○本事方用白膠香燒烟薰耳中煖即出○一方用葱涕灌入活者即出○一法用生薑擦

貓鼻其尿自出取尿滴入虫即出或以麻油滴耳則虫死或以炒芝蔴枕頭則虫亦出但不若猫尿之捷也

蜈蚣入耳 六二

用薑汁滴入或韭汁雞冠血滴入俱好

暴聾灸法 六三

用小蒼朮一塊長七分一頭削尖一頭截平將尖頭插入耳內平頭上用筋頭大艾炷灸之輕者七壯重者十四壯覺耳內有熱氣則效

又方 用雞心栳榔一個將臍內剜一窩如錢眼大實以射

香坐於患耳內上以艾炷灸之不過二三次即效

塞耳聾 六四

用大蒜一瓣一頭剝一坑子以好巴頭一粒去皮慢火炮令極熟入在蒜內以新綿裹定塞耳中

龍腦膏 六五

龍腦 一分 椒目 五分 杏仁 去皮二分

右件搗研勻綿裹棗核大塞耳中日二易之

杏仁膏 六六 治耳中汁出或痛或膿

右用杏仁炒令赤黑研成膏綿裹內耳中日三四度易之或

亂髮裹塞之亦妙

一方治耳卒痛或水出用杏仁炒焦為末葱涎搜和為丸以

綿裹塞耳又治耳聾兼有膿

通聖散 六七

穿山甲 炙 各五分 射香 一分 螻蛄

右為細末以葱涎和劑塞耳或用少綿裹塞之或用葱管盛

藥末塞耳中

通耳散 六八

磁石 用活者如豆一塊 穿山甲 燒存性為末一匙

右二味用新綿裹塞患耳內口中銜生鐵少許覺耳內如風  
兩聲即愈

以下面鼻方

醫林 川芎散 六九 治風寒鼻塞

川芎 藁本 細辛 白芷

羌活 炙甘草 各一兩 蒼朮 米泔浸五兩

右咀每服三錢水一盞薑三片葱白三寸煎服

濟生 辛荳散 七十 治肺虛為四氣所干鼻內壅塞涕出不已或

氣不通不聞香臭

辛夷 川芎 細辛 白芷

升麻 防風 羌活 藁本

炙甘草 木通 各等分 一方有蒼耳子 減半

右為末每服二錢食後茶清調下

溫肺散 七一 治閉塞陽明鼻塞

升麻 黃芪 丁香 各一錢 羌活

葛根 炙甘草 防風 各五分 麻黃 不去節二錢

水二鍾葱白二莖煎八分食遠熱服

金 千 細辛膏 七二 治鼻塞腦冷清涕常流



細辛

川芎

川椒

黑附子

炮去皮臍

乾薑

吳茱萸

各二兩

桂心

三錢

皂角屑

錢半

右將諸藥用米醋浸過宿次用猪脂二兩熬油入前藥煎附子色黃為度以綿蘸藥塞鼻中

三因蒼耳散 七三

治鼻流濁涕不止名曰鼻淵

蒼耳子

炒二錢半

辛夷仁

薄荷葉

各五錢

白芷

一兩

右為細末每服二錢葱湯或茶清食後調下

神愈散 七四

七四

治風熱在肺鼻流濁涕壅塞不通

細辛白芷與防風

羌活當歸半夏芎

桔梗陳皮茯苓輩

十般等分剉和同

三錢薄荷薑煎服

氣息調勻鼻貫通

醍醐散 七五

治傷風鼻塞聲重

細辛 半兩

川芎 一兩

薄荷 一兩半

川烏

炮去皮臍

白芷

甘草

各二兩

右為細末每服一錢葱茶湯或薄荷湯下

良方防風湯 七六

治鼻塞不聞香臭

防風

麻黃

官桂

各半兩

升麻

木通 各一兩

梔子

七枚

石膏

三兩

右咬咀每服水一盞煎七分空心溫服

宣防風湯 七七 治鼻淵腦熱滲下濁涕不止久而不已必成

衄血之證

防風 一兩半 人參 麥冬 炙甘草

川芎 黃芩 各一兩

右為細末每服二錢沸湯調服食後日三服

荆芥散 七八 治肺風酒皴鼻赤疱

荆芥穗 四兩 防風 杏仁 去皮尖 白蒺藜 炒去刺

鹽蚕 炒 炙甘草 各一兩

右為末每服二錢食後茶清調下

正傳 腦漏秘方 七九 祖傳經驗治鼻中時時流臭黃水甚者腦

亦時痛俗名控腦砂有虫食腦中

用絲瓜藤近根三五尺許燒存性為細末酒調服之即愈

簡易黃白散 八十 治鼻鼈瘰肉鼻痔等症

白礬 雄黃 細辛 瓜蒂 炒各等分

右為細末以雄犬膽汁為劑如棗核塞鼻中

細辛散 八一 治鼻鼈有瘰肉不聞香臭

北細辛 瓜蒂 等分

右為末，綿裹如豆大，塞鼻中。

御藥 菖蒲散 八二 治鼻內窒塞不通，不得喘息。

菖蒲 皂角 等分

右為細末，每用一錢，綿裹塞鼻中，仰臥片時。

輕黃散 八三 治鼻中瘰肉。

輕粉 杏仁 去皮尖 各一錢 雄黃 五錢 射香 少許

右四味，用乳鉢先研杏仁如泥，後入雄射、輕粉，同研極細，磁盒收蓋。每有患者，不拘遠近，於臥時用筋頭蘸米粒許，點瘰肉上，候一日，臥點一次，半月見效。

雄黃散 八四 治鼻鼈。

雄黃 五分 瓜蒂 二個 綠礬 一錢 射香 少許

右為末，吹入鼻中。

千金瘰肉方 八五 一名瓜丁散。

瓜蒂 華陰細辛 等分

為末，綿包少許，塞鼻中。

簡易瘰肉方 八六

用枯白礬為末，以綿胭脂裹塞鼻中，數日肉隨落。

白礬散 八七 治肺風酒皸鼻等疾。

白礬

硫黃

乳香 各等分

為末綿裹擦之。○或用茄汁調敷患處更妙。

二神散 八八 治赤鼻久不瘡

大黃

朴硝 等分

為末津調塗鼻上。

酒瘡鼻粉痣 八九 亦名硫黃散

硫黃

輕粉 各一錢 杏仁 五分

右為末用蜜酒調於臥時塗上早洗去效。○或用津唾調搽更妙。○又方只以銅綠為末晚時切生薑蘸擦之。

點痣去斑 九十

用石灰水調一碗如稠糊揀好糯米粒全者半置灰中半露於外經一宿灰中米色變如水晶若或面或手有黑痣黑靨及紋刺者先須鍼頭微微撥破置少許水晶者於其上經半日許靨痣之汗自出乃可去藥且勿着水二三日則愈。

面鼻雀斑 九一 此連子術術方

白芷

甘菊花 各三錢 白果 二十個 紅棗 十五個

珠兒粉 五錢 猪廐 一個

右將珠粉研細，餘俱搗爛，拌勻，外以蜜拌酒釀，頓化入前藥，蒸過，每晚擦面，早洗去。

面瘡二方 九二

面上暴生瘡，用生杏仁搗爛，以雞子清調如煎餅，至夜洗面敷之，旦洗去，數十次愈。

指甲抓破面，用生薑自然汁調輕粉，傅破處無痕。

止鼻衄血 九三

龍骨爲細末，吹入鼻中，少許卽止。凡九竅出血者，用此皆能治之。

止鼻衄歌 九四

石榴花瓣可以塞，蘿蔔藕汁可以滴。

火煨龍骨可以吹，水煎茅花可以喫。

又墻頭苔蘚可以塞，車前草汁可以滴。

火燒蓮房可以吹，水調鍋煤可以喫。

鼻衄蒸法 九五 治衄如湧泉不止者

用草紙摺十餘層，井花水濕透，分髮貼頂心中，以熱熨斗熨之，微熱不妨，久之卽止。

鼻塞不通葱熨法 九六

但用葱頭以繩束成一把去根頭實處切成寸長一餅先以熨斗烙葱一面令熱置頂心顙會穴處乃以熨斗或火從上熨之俟鼻內作葱氣方住未通再作餅熨之○其有嬰兒傷氣鼻塞不能吮乳者但用大南星為末以生薑自然汁和作薄餅用兩掌合煖置顙上片時即通

硝石散

九七

治風邪犯腦患頭痛不可忍不問年歲

硝石

人中白

等分

冰片

少許

右為末用一字吹入鼻中

良方

通關散

九八

治卒然牙關緊急腰背反張藥不能嚙或時

毒癰腫鼻塞氣閉等證

細辛

如無真者不用亦可

薄荷葉

牙皂角

等分

右為細末以紙撚少許入鼻內俟得噴嚏口開隨進湯藥○聖惠搐鼻法止用二味無薄荷

陳氏

通關散

九九

方在痘疹八五

通心經降心火利小便良方

擦牙通關散

一百

方在小兒八四

治風搐關竅不通痰塞中脘留滯百節

以下口舌方

長方玄參散百一 治滿口并舌生瘡連齒斷爛痛

玄參 黃岑 黃柏 梔子仁

大黃 前胡 獨活 犀角屑

麥冬 升麻 炙甘草 各等分

右為咀每服五錢水一鍾半煎七分不拘時溫服

玄參升麻湯百二 方在外科四八

治口舌生瘡重舌木舌腮頰咽喉腫痛斑疹瘡瘍

清涼飲子百三 治上焦積熱口舌咽鼻乾燥

黃芩 黃連 各二錢 薄荷 玄參

當歸 芍藥 各錢半 甘草 一錢

水二鍾煎八分不拘時服○大便秘結加大黃二錢

清熱化痰湯百四 治上焦有熱痰盛作渴口舌腫痛

貝母 天花 枳實 桔梗 各一錢

黃芩 黃連 各錢二 玄參 升麻 各七分

甘草 五分

水煎服

甘露飲百五 方在寒陣十

治口舌生瘡咽喉腫痛牙齦潰爛

龍胆瀉肝湯 百六

方在寒陣六三

治肝火內灸上為喉口熱瘡下為小便澀痛等症

五福化毒丹 百七

方在外科七六

治咽喉牙口瘡毒癰腫

長冰藥丸 百八

治舌瘡口瘡

薄荷葉

蘇州者

黃栢 等分

硼砂 半之

冰片 一分

右為末生蜜丸彈子大每服一九噙化

上清丸 百九

治口舌生瘡咽喉腫痛止嗽清音寬膈化痰極效

效

砂仁

桔梗 各一錢

月石 二錢

冰片 一分

甘草

玄明粉

訶子 各一錢

百藥煎 八錢

蘇州薄荷葉

一兩六錢

為極細末煉蜜丸芡實大臨睡含化一九○或為小丸茶清

送下

硼砂丸 百十

治口瘡舌瘡

寒水石

一兩

牙硝

四錢

硼砂 二錢

冰片

射香 各一分

甘草膏和丸麻子大不時含化一九津燕



良方 聖金散 百十一 治舌上出血不止

黃藥子 一兩 青黛 一錢

右為細末每服一錢食後新汲水調下日二服

金花煎 百十二 治舌上出血如簪孔

黃藥 三兩 黃連 五錢 梔子 二十枚

右咀以水二升浸一宿煮三沸去滓頓服○一方用酒浸煮

飛礬散 百十三 治木舌漸腫大滿口若不急治即殺人

白礬 飛 百草霜 等分

右為細末捻糟茄自然汁調服若口噤灌之妙

寸金散 百十四 治心經煩熱動血妄行舌上出血不止

新蒲黃 三錢 新白麩 三錢 牛黃 五分研 腦荷 五分研

右研勻每服一錢生藕汁調服食後亦可搽舌上

黃藥散 百十五 治血出血不止名曰舌劍

黃藥 不拘多少塗蜜慢火炙焦為末

右每服二錢溫米飲調下

舌上出血 百十六 重出

升麻黃連丸 百十七 治多食肥甘口臭穢惡

升麻 半兩 黃連 黃芩 酒炒 生薑

檀香

甘草 各二錢 青皮 半兩

右為細末湯泡蒸餅丸彈子大每服一九不拘時細嚼白湯

下

丁香丸 百十八 治口臭穢

丁香 二錢 川芎 二錢 白芷 五分 炙甘草 一錢

右為末煉蜜丸彈子大綿裹一九噙化

應手散 百十九 治傷寒舌出寸餘連日不收

梅花冰片

為末擦舌上應手而收重者須用一錢方收

陰陽散 百二十 亦名赴筵散○治口瘡效

黃連 一兩 乾薑 炒黑三錢

為細末乾摻口瘡上涎出即愈

外科陰陽散 一二二 方在外科一三三

治瘡屬半陰半陽者

綠雲散 一二二 治口瘡爛臭久不愈

黃蘗 蜜炙 青黛 等分

右為細末臨臥用少許摻舌嚥津妙

細辛黃蘗散 一二三 治口舌瘡

黃檗

細辛 等分

右為末傳之或摻舌上吐涎水再傳須旋合之

白蚕黃檗散 一二四

治口糜

黃檗 蜜炙

白殭蚕

直者新瓦土焙乾斷絲

右為細末用少許敷瘡上吐涎

蓬砂散 一二五

治口瘡

蓬砂

青黛

龍腦薄荷

石膏 煨各等分

右為極細末每用少許臨臥傳口中

黃連朴硝散 一二六

治口瘡絕妙

黃連

朴硝

白礬 各五錢 薄荷葉 一兩

右為粗末用臘月黃牛膽將藥入膽內風前掛兩月取下如

遇口瘡旋將藥研細敷之去其熱涎即愈

柳華散 一二七

治熱毒口瘡

黃柏 炒

蒲黃

青黛 真者

人中白 煨

右等分為末敷之

摻口瘡 一二八

天竺黃

月石 等分

冰片 少許

為末摻之

碧雪 一二九 治一切熱壅口舌生瘡舌強腮腫咽喉腫痛等

症

蒲黃 青黛 硼砂 焰硝

甘草 等分

右為細末每用少許摻舌上細細嚥下或飲涼水送下頻用之效或用砂糖丸芡實大每服一丸嚙化下咽妙

絳雪 百三十 治口瘡舌瘡咽喉腫痛

硼砂 一錢 硃砂 三錢 馬牙硝 寒水石 飛各二錢

冰片 半字

右為細末每用一字摻舌上嚥亦不妨喉痛者吹入咽中

孫真人口瘡方 一三一

單用朴硝含之甚良

皂角散 一三二 治重舌喉痺

皂角 不蛀者四五挺 荆芥穗 二錢 去皮核炙焦

右為細末以米醋調塗腫處

千金口臭方 一三三 亦治舌上出血如簪孔

用香薷一把以水一斗煮取三升稍稍含漱嚥之

聖惠 口齒方 一三四 治口臭穢及齒懸腫痛

用北細辛一兩煮取濃汁熱嗽冷即吐之立效

以下齒牙方

東垣神功丸 一三五 治多食肉人口臭不可近牙齒疳蝕牙斷

肉脫血出并治血崩血痢腸風下血及逆氣上行等證

黃連 酒洗 砂仁 各五錢 生地 甘草 各三錢

當歸 木香 藿香葉 升麻

蘭葉 各一錢無亦可

右為末以湯浸蒸餅和丸綠豆大每服百丸或二百丸白湯

食遠服

東垣清胃散 一三六 方在寒陣五四

治齒齲潰爛喜冷惡熱

秘驗清胃飲 一三七 方在寒陣五六

治一切風熱牙床腫痛出血動搖

三因安腎丸 一三八 治腎虛牙齒腫痛

此與局方安腎丸同但少肉桂茯苓二味方在熱陣一六七

直立效散 一三九 治牙痛不可忍痛連頭腦頂背微惡寒飲

大惡熱飲

防風 一錢 升麻 七分 炙甘草 細辛葉 各三分

因陣

草龍胆 酒洗四分

右用水一鍾煎五分去滓以匙抄在口中燂痛處少時立止如多惡熱飲更加草龍胆一錢此法不定宜隨寒熱多少臨時加減○若惡風作痛須去草龍胆加草豆蔻黃連各五分累用得效

細辛煎 百四十 治牙齒腫痛不可忍及口氣臭

用北細辛一味煎濃汁乘熱噙嗽良久吐之極妙

驅毒散 一四一 治熱毒上攻宣露出血牙齦腫痛不可忍

屋遊 此卽瓦上青苔不拘多少洗淨

右用水煎湯澄清入鹽一撮頻頻嗽之

御藥 丁香散 一四二 治牙齒痛

丁香 華撥 蝸稍 大椒

右等分爲末每用小許擦於患處

選要 芫花散 一四三 治風重諸牙痛

芫花 細辛 川椒 蘄艾

小麥 細茶 等分

右咀水一鍾煎七分溫漱之日三四次吐涎出卽愈

如神散 一四四 治風牙虫牙攻蛀疼痛牙齒動搖連頰浮腫

川椒 炒出汗 蜂房 灸

右等分爲細末，每用二錢，水煎數沸，熱漱卽止。

赴筵散 一四五 治風虫牙痛

良薑 草烏 細辛 荆芥穗

右等分爲末，擦牙有涎吐之。

蟾酥膏 一四六 治風蛀諸牙疼痛

蟾酥 少許 巴豆 去油研 杏仁 燒焦

右共研如泥，以綿裹如粟米大，若蛀牙塞入蛀處，風牙塞牙縫中，吐涎盡愈。

虫牙痛 一四七

蒼耳 艾 小麥 花椒

芫花 黑豆

煎熬屢效之卽愈

韭子湯 一四八 治虫牙

用韭菜子一撮，以碗足盛之，用火燒烟，外用小竹梗將下

截劈爲四開，以紙糊如喇叭樣，引烟薰其蛀齒。○如下牙

蛀者以韭子煎濃湯漱之，虫自出。

端竹堂方 一四九 治虫牙疼痛不已

用天仙子不拘多少燒烟以竹筒抵牙引烟薰之其虫即死

巴豆丸 百五十 治虫牙疼痛蝕孔空虛

巴豆 一枚 化椒 五十粒細研

非右為極細末飯丸黍米大綿包塞蛀孔

藜蘆散 一五一 治虫牙疼痛

用藜蘆為末塞牙孔中勿令嚥汁有涎吐之大有神效

北棗丹 一五二 治走馬牙疳

用北棗去核每個內入信一厘燒存性研細每以些小傅

患處

青金散 一五三

治走馬牙疳蝕損唇舌腐臭牙落其效如神

銅綠 砒霜 等分

右為細末每用些少傅患處

三仙散 一五四

治走馬牙疳一時腐爛即死

銅綠 三分 射香 一分 婦人溺桶中垢 白者火煨一錢

右為極細末傅齒上不可太多

射礬散 一五五

治走馬牙疳危惡證候

射香 少許 胆礬 一錢 銅綠 半兩 白礬 生用五分



右為細末，傅牙患處。

神授丹 一五六

治牙疳

枯礬 七分

白礬灰 三分 射香 一分

為末，以竹管吹瘡上。

黃連散 一五七

治齒斷間出血，喫食不得。

黃連

白龍骨

馬牙硝 各一錢 枯礬 五分

冰片 半分

右為細末，每用少許，傅牙根下。

雄黃射香散 一五八

治牙斷腫爛出血。

雄黃 一錢半

銅綠

輕粉

黃連

黃丹 錢炒各一

血竭

枯礬 各五分 射香 一分

右為細末，研勻，每用些少，傅患處。

齒縫出血 一五九

右用紙緋子蘸乾，蟬酥少許，于血出處按之，立止。

固齒雄鼠骨散 百六十

治腎水不足，牙齒浮動脫落，或縫中

痛而出血，或但動不痛者。

雄鼠骨

當歸

沒石子

熟地

榆皮

青鹽

細辛 等分

右為細末用綿紙裹條按牙床上縫中則永固不落矣

秘方 雄鼠骨散 一六一 治牙落可以重生

雄鼠骨 一具 生打活雄鼠一個剝去皮雜用鹽水浸一

時炭火上炙肉自脫落取骨炙燥入衆藥內同研為末

香附 白芷 川芎 桑葉 晒乾

地骨皮 川椒 蒲公英 青鹽

川槿皮 旱蓮草

右為末擦牙百日復出固齒無不效

良方 荆槐散 一六二 治牙宣出血疼痛不止

荆芥穗 槐花

右等分為末擦牙患處

石膏升麻散 一六三 治陽明風熱流注齒牙腫痛出血化為

膿汁等證

石膏 羊脛骨灰 地骨皮 升麻

右等分為末每用少許擦牙齒根上○或加射香少許更妙

薑黃散 一六四 治牙疼不可忍

薑黃 白芷 細辛 等分

右為粗末擦患處須臾吐涎以鹽湯漱口面赤腫者去薑黃

加川芎其腫立消

濟生香鹽散 一六五

牢牙去風

大香附 炒焦黑三兩 青鹽 一兩半

右為末如常擦牙乃鐵瓮先生良方

和子牙宜散 一六六

良薑

胡椒

萹撥

細辛

乳香

射香

雄黃

青鹽

下四味各另研

右等分為細末先以溫水漱淨牙後以藥末擦患處追出涎沫吐之漱十餘次痛立止忌油鹽二日

槐鹽散 一六七

治食甘甜過多牙痛

食鹽

青鹽

槐枝

一斤切斷用水五碗煎一碗聽用

右將二鹽先炒乾乃入槐枝湯煮乾取起為末用鉛盒盛擦牙固齒最妙

椒鹽散 一六八

治牙痛用清涼藥不效或反甚者宜從此以

治

川椒

青鹽

萹撥 薄荷

荊芥穗

細辛

朝腦

右為末擦痛牙處或煎湯漱之亦可

宣風牢牙散

一六九

駐顏補腎牢牙固齒

細辛

青鹽

各七錢

當歸

酒洗

川芎

各一兩

右為末，每用少許，清晨擦牙，滿口漱，良久連藥嚥下，或先以溫水漱口淨，然後擦而嚥之，亦可。

萬青白散 百七十

治一切牙疼固齒

青鹽 二兩

食鹽

川椒

煎汁各四兩

右以椒汁拌鹽炒乾為末，擦牙永無齒疾，以漱水洗面目，亦無疾，此藥極妙。

御前白牙散 一七一

石膏 四兩另研

大香附 一兩

白芷 七錢半

甘松

三奈

藿香

沉香

川芎

零陵香 各三錢半

細辛

防風 各半兩

右為細末，先以溫水漱口，次擦之，妙。

東垣白牙散 一七二

升麻 一錢

羊脰骨灰 二錢

軟石膏 三錢

白芷 七分

射香 少許

右為細末，先以溫水漱口，次擦之，妙。

道藏經方 一七三

治牙齒動搖，血出不止。

用白蔘藜不拘多少搗為細末每日擦牙及患處最妙  
取牙不犯手 一七四

草烏

萆撥 各錢半 川椒

細辛 各三錢

右為細末每用少許點在患牙內外一時其牙自落

以下咽喉方

局甘桔湯 一七五

治一切風熱上壅咽喉腫痛○錢氏方用

甘草二錢 苦梗一錢

甘草 二錢

桔梗 四錢

水二鍾煎八分食後服○此方加荆芥穗二三錢三因方即

名荆芥湯尤效

拔萃 甘桔湯 一七六

治熱腫喉疔

甘草

桔梗

薄荷

連翹

黃芩 各等分

水二鍾加竹葉煎服○一方有山梔子

加味甘桔湯 一七七

方在痘疹九十

治咽喉腫痛

醫林 訶子甘桔湯 一七八

治火盛失音

訶子 四個半

桔梗 一兩五錢

甘草 二寸半

生半煨 半生半炒

灸

右咀分二服每服水一鍾童便一鍾煎八分食後溫服

清咽利膈散 一七九 治咽喉腫痛痰涎壅盛

防風 金銀花 荊芥 薄荷

桔梗 黃芩 黃連 山梔

連翹 玄參 大黃 朴硝

牛旁子 炒研 甘草 各七分

水二鍾煎一鍾食遠服

消梨飲 百八十 治喉痺

單用消梨汁頻頻飲之或將梨削浸涼水中頻頻飲之尤

妙此物大解熱毒○或南方少梨之處但擇好蘿蔔杵汁加玄明粉徐飲大效

醫林透天一塊冰 一八一 治一切風熱喉痺口舌生瘡頭目不

清痰涎壅盛

黃連 二錢 腦荷 月石 檳榔

蒲黃 甘草 各一錢 荊芥穗 黃柏 各五分

冰片 半分或一分 白砂糖 半兩

右為細末煉蜜為丸芡實大每服一丸噙化

靛花丸 一八二 治纏喉風聲不出

靛花 薄荷葉 蘇州者

右等分爲細末煉蜜丸彈子大每服一丸臨睡噙化

醫杏仁煎 一八三 治欬嗽暴重聲音不出

杏仁 泡去皮尖研如泥 冬蜜 薑汁 砂糖 各一小盞

木通 桑白皮 去赤皮炒 貝母 紫苑茸

北五味 各一兩 石菖蒲 欬冬蔬 各半兩

右將後七味爲咀用水五升煎半去滓入杏蜜薑糖四味合和微火煎取一升半每服三合兩日夜服之

蜜剛子 一八四 治隔陽咽閉吞吐不通及臍寒閉塞等證

用大附子一枚去皮臍切作大片用蜜塗炙令黃含口中  
燕津甘味盡再塗蜜炙用或易之○或用炮附子以唾津  
調塗脚心○一方用肉桂含之

牛黃益金散 一八五 治虛火炎上傷肺咽喉生瘡破爛

黃柏 爲末用蜜丸炙數次以熟爲度另研爲極細末

白礪砂 白殭蚕 淨各半錢半 牛黃 三分

右用蜜調如稀糊塗敷患處或丸如龍眼大含化嚥之○按此方必加冰片半分方妙

秘三黃丸 一八六 治喉痺極佳

大黃

黃連

黃芩 各一兩

黃藥子

白藥子

各七錢半

黃栢

山豆根

苦參

各三錢

月石

京墨

各錢半

射香

少許

冰片

五分

右為末，猪胆調，甌內蒸三次，臨後入片射，研砂為丸，豆大，噙

化一丸，津嚥，日夜常噙，勿脫藥味，方妙。

人參平補湯 一八七

治腎虛聲啞不出

人參

川芎

當歸

熟地黃

白芍藥

白茯苓

兔絲子 制

杜仲 制

北五味子

白朮

巴戟 去心

半夏 麩

橘紅 各半兩

牛膝

酒洗

破故紙 炒

益智仁

葫蘆巴 炒

炙甘草

各二錢半

石菖蒲

一錢半

右咀，每服五錢，薑五片，棗二枚，煎七分，吞山藥丸百餘粒。○

凡五鼓後，腎氣開時，不得效，唾言語，再進上藥，則功效勝常。

百合丸 一八八

治肺燥失聲不語

百合

百藥煎

杏仁 去皮尖

訶子

薏苡仁 等分

右為末，雞子清和丸，彈子大，臨臥噙化，或用蜜丸亦妙。

秘方 竹衣麥門冬湯 一八九

治一切勞瘵，痰嗽聲啞不出，難治。



者服之神效

竹衣

取金竹內衣膜鮮者一錢

竹茹

彈子大一丸即金竹青皮也括取之

竹瀝

即取金竹者

麥冬

三錢

甘草

橘紅

各五分

白茯苓

桔梗

各一錢

杏仁

七粒去皮尖研

右咀水一鍾半加竹葉十四片煎七分入竹瀝一盃和勻服

射干丸

百九十

治懸癰腫痛咽喉不利

射干

炙甘草

各半兩

川升麻

川大黃

木別仁

各二錢半

杏仁

去皮尖雙仁麩炒微黃半兩

右為細末煉蜜丸小彈子大常含一九津燕

醫林

鐵笛丸

一九一

治謳歌動火失音不語者神效

薄荷葉

四兩

連翹

桔梗

甘草

各二兩半

訶子

煨

大黃

酒蒸

砂仁

各一兩

川芎

一兩半

百藥煎

二兩

右為細末雞子清和丸彈子大臨臥嚙化一九或煉蜜丸亦

可

三因

雄黃解毒丸

一九二

治急喉風雙蛾腫痛湯藥不下

雄黃

飛

鬱金

各一兩

巴霜

十四枚

右為末醋糊丸綠豆大熱茶清下七丸吐出頑涎即甦木吐

再服大效如口噤以物幹開灌之下咽無有不活者○如小兒驚熱痰涎壅塞或二九三九量大小與之○一法以此丸三粒用醋磨化灌之其痰立出尤妙

三玉鑰匙 一九三

治風熱喉痺及纏喉風

月石 五錢 牙硝 一兩半 白僵蚕 一錢 冰片 一字

右為細末每用五分以竹管吹入喉中立愈○此方加雄黃

二錢即名金鑰匙

濟生 二聖散 一九四

治纏喉風急喉痺

膽礬 二錢半 白僵蚕 炒半兩

為細末用少許吹入喉中

秘方 奪命散 一九五

治急喉風

白礬 枯 僵蚕 炒 月石

皂角 炙烟盡 各等分

為細末每用少許吹喉中痰出即愈

馬牙硝散 一九六 治喉癰及傷寒熱後咽痛閉塞不通毒氣

上衝

馬牙硝細研每服一錢綿裹含嚙津以通為度

燒鹽散 一九七 治喉中懸癰垂長咽中妨碍

燒鹽 枯礬 各等分

右和勻研細以筋頭蘸點即消

寶鑑開關散 一九八

治喉風氣息不通

白僵蚕 炒去絲齒 枯白礬 等分

右為細末每服二三錢生薑蜜水調下細細飲之

七寶散 一九九

治喉閉及纏喉風

僵蚕 直者十個

硼砂

雄黃

全蝎 十個全者去毒

明礬

牙皂

挺去皮 五分 茲各一錢 胆礬

右為細末每用一字吹入喉中即愈

破關丹 二百

治乳蛾喉閉纏喉風等證

硼砂末 五錢

霜梅肉 一兩搗爛

右二味和勻丸芡實大每服一丸噙化嚥下內服荆防敗毒

散

通氣散 二百一

方在外科八十

治時毒腫甚咽喉不利取嚏以泄其毒

以下諸毒方

紫金錠 二百二

一名神仙太乙丹 一名玉樞丹 一名萬

病解毒丹 解除一切中毒積毒虫毒蠱毒菌草砒石死牛

死馬河豚等毒及時行瘟疫山嵐瘴氣喉閉喉風顛邪鬼氣

狂亂逃死牙關緊急小兒急驚等證凡行兵興役之處尤不可無

文蛤 搗破 洗焙淨末三兩

山茨菰 去皮淨末二兩

千金子 去油取霜一兩

紅芽大戟 去蘆焙乾為末一兩五錢

射香 另研三錢

右用糯米煮濃飲為丸分作四十錠每服半錠用井花水或薄荷湯磨服利一二次用粥止之若治癰疽惡毒湯火蛇蟲

犬獸所傷以東流水磨服并敷患處○如治癩疔鬼氣鬼胎攣急疼痛須煖酒磨服○凡修合時日須用端午七夕重陽或天德月德日於淨室焚香修制凡奇怪之病屢用如神效驗不可盡述醫家大家皆不可一日無之

解毒丸 二百三 治誤食毒草或中蠱毒并百物毒救人於

必死

板藍根

洗淨晒乾四兩

貫衆

去毛

青黛 研

生甘草 各一兩

右為末煉蜜丸桐子大另以青黛為衣如稍覺精神恍惚即  
是誤中諸毒急取十五丸嚼爛用新汲水送下即解或用水

浸蒸餅丸尤佳

藍根散 二百四

解毒藥熱藥諸毒

藍根 剉一握

蘆根 剉一握

綠豆 三錢研

澱脚 一合研

右先將二根以水一碗煎至七分去滓次入後藥和勻分三服或一二服利下惡物不用再服

白扁豆飲 二百五

解諸毒入腹及砒毒

用白扁豆不拘多少為細末入青黛等分細研再入甘草末少許巴豆一枚去殼不去油別研為細末取一半入藥內外以砂糖一大塊用末化開和藥共成一大盞飲之毒

隨利去後却服五苓散之類

八毒赤丸 二百六

方在攻陣百四

治一切邪祟鬼疰等毒

飲食中毒 二百七

凡中飲食毒而覺煩熱脹滿者急用苦參三兩苦酒一升半煮半沸陸續飲之吐食出即瘥○或以水煮亦得○或用犀角湯亦可解

中酒毒 二百八

飲酒中毒者經日不醒是也謂之中酒

黑豆一升煮汁溫服一盞不過三盞即愈

解麩毒 二百九

只以蘿蔔生啖之。或搗汁服之。麥麩大熱。蘿蔔能解其性。或用大蒜嚼食之。亦善解麩毒。

解一切食毒 二百十 解一切飲食之毒及飲酒不知中何毒

卒急無藥可解者

薺菜

生甘草 各二兩

右剉細以水五盞同煎取二盞停冷去滓分三服。○一方加蜜少許同煎服之。解一切毒。

食魚中毒 二一一

凡食魚後中毒物煩亂者用陳皮濃煎汁服之即解。

河豚毒 二一二

五倍子

白礬 等分

右為細末水調服之。○一方凡中河豚魚毒一時困殆倉卒無藥急以清油多灌之使毒盡吐出即愈。

解河豚魚膾及食狗肉不消脹滿毒 二一三

蘆柴根鮮者搗汁飲之。乾者煎汁溫飲之。

解食鱸魚龜鼈蝦蟆自死禽獸等毒 二一四

豆豉一合新汲水煎濃頓溫服之可解。

中蟹毒 二一五

凡食蟹中毒用紫蘇葉濃煮汁飲之或用紫蘇子搗汁飲之亦良或搗藕汁或搗蒜汁飲之俱可解或用冬瓜汁或食冬瓜亦可

食牛馬中毒 二一六

粉草搗無灰酒服當吐瀉若渴者不可飲水飲水必死○一方淡豆豉搗人乳服之即解

食雞子毒 二一七

好醋飲之即愈未愈再服

食斑鳩毒 二一八

葛粉二合水調服可解薑湯調服亦解

解花椒毒 二一九

有服川椒氣閉欲絕者

冷水飲之解地漿水更妙

解諸菜毒 二百二十

食後多腹脹者是毒也以醋解之

解葶藶毒 二二一

忍冬葉生啖之愈或煎濃汁飲之○崇寧間蘇州天平山白雲寺僧五行山間得葶藶一叢甚大摘而食之發吐三

人急採鴛鴦草生啖之即愈二人不甚吐至死此即忍冬藤亦名金銀花亦名鴛鴦藤也

解巴豆毒 二二二

其證口乾兩臉赤五心熱下利不止

乾薑 炮

黃連 微炒各等分

右為細末每服二錢水調下如人行五里許再服○又方煮綠豆湯冷服之即愈○一方黃連甘車煎汁涼飲之○一方芭蕉根葉搗汁飲之利止而安

解砒毒 二二三

凡中砒毒者其人煩燥如狂心腹絞痛頭眩嘔吐面色青黑四肢逆冷六脈洪數飲食中得者為易愈若

空心酒醋服者難救

以地漿水頓服若吐出又服所謂洗淨腹中毒全憑地上漿是也○其法掘地成坑以水灌注攪成混水飲之謂之地漿

又方 解砒毒最良此為第一

用生綠豆半升搗粉入新汲水攪和去粗取汁飲之

又方 用新鮮羊血鴨血飲之皆可解○一方用甘草汁同藍汁飲之即愈

鈎吻毒 二二四



鈎吻生池傍與芹菜相似無他異惟莖有毛以此別之誤食  
殺人解之之法用薺芫八兩水六升煮取二升分溫二服此即

甜桔梗也一方用桂湯效

解附子等藥毒二二五

凡服附子酒多而覺頭腫唇裂血流或見內熱諸證急用綠  
豆黑豆嚼服或搗汁飲之或濃煎二豆湯常飲食之○凡服  
散風藥過多以致悶亂不省以醋灌之或濃煎甘草同生薑  
自然汁頓飲之○一方大豆汁錫糖棗湯並能解附子毒○  
一方用田螺搗碎調水飲之

解烏頭草烏毒二二六

甘草煎濃湯服之○或米醋調沙糖俱可解

解半夏毒二二七

生薑搗汁飲之有中此毒口不能言倒地將死者速用薑  
汁灌之須臾自甦

解斑蝥芫青毒二二八

猪脂油和大豆汁飲之

解藜蘆毒二二九

雄黃為末溫酒調服一錢○一方煮葱汁服

解雄黃毒 二百三十

漢防已煎湯飲之○有用雄黃搽瘡或薰陰囊瘡受毒者防已煎湯洗數次愈

解杏仁毒 二三一

藍子研水服則解

解服丹毒 二二二

地漿服之為上○一方用蚌肉食之良

解中藥箭毒 二二三

交廣黎人以焦銅作箭中人破皮即死糞清飲之立解患處以糞塗洗之

解鹽鹵毒 二三四

凡婦女有服鹽鹵垂危者急取活鴨或雞斬去頭將頸塞口中以熱血灌之可解若鹵多者必數隻方足盡收其鹹毒

解漆毒 二三五

一州牧以生漆塗囚眼囚即盲適一村叟見而憐之語之曰汝急尋蠟搗碎取汁滴眼內漆當隨汁流散瘡亦愈矣如其言覓得一小蠟用之目睛果愈畧無損○或成紅斑爛瘡取生蠟黃塗之不數次即愈○一方用杉木煎汁洗之

以下虫毒方

解虎傷毒 二三六

蒜油一碗飲之即無妨仍用葛根湯洗傷處綿拭乾香油塗之再以青布作條燃火入竹筒中放烟薰傷處口渴者沙糖調水飲之

蛇毒 二三七

凡被蛇傷即用鍼刺傷處出血用雄黃等藥敷之仍須中留一孔使毒氣得泄乃內服解毒等藥○凡傷處兩頭俱用繩扎縛庶不致毒氣內攻流布經絡

一方治毒蛇咬傷急取三七搗爛罨之毒即消散神妙無比  
一方治蛇虫傷毒用五靈脂雄黃等分爲末每服二錢酒調服仍敷瘡留口如乾燥須以油潤之

凡居山野陰濕之處每用雄黃如桐子大一丸燒烟以薰衣袍被褥之類則毒不敢侵百邪皆遠避矣

一凡蛇入七竅急以艾灸蛇尾又法以刀破蛇尾少許入川椒數粒以紙封之蛇自出即用雄黃硃砂末煎人參湯調灌之或食蒜飲酒內毒即解

一山居人被蛇傷急用溺洗咬處拭乾以艾灸之立效又方用獨頭大蒜切片置患處以艾於蒜上灸之每三壯換蒜

多灸爲妙凡被毒蛇所傷皆效  
肘後方 用小蒜搗汁服渣敷傷處

雄黃辟蛇毒 二三八

南海地多蛇而廣府尤甚某侍郎爲帥聞雄黃能禁制此毒  
乃買數百兩分貯絹囊掛於寢室四隅經月餘一日臥榻外  
常有黑汁從上滴下臭甚使人穿承塵窺之則巨蟒橫其上  
死腐矣於是盡令撒去障蔽蛇死者長丈許大如柱傍又得  
十數條皆蟠蚪成窠并他屋內所驅放者合數百自是官舍  
清寧

風犬傷人 二三九

急於無風處吮出瘡口惡血如或無血則以針刺出血用小  
便洗淨外用香油調雄黃少加麝香敷之○一凡遇惡犬咬  
傷如倉卒無藥卽以百草霜麻油調敷或用葱搗爛貼之牛  
糞敷之或蚯蚓糞付之或口嚼杏仁爛付之皆能救急如少  
延緩恐毒氣入經爲害○一方拔去頂上紅髮急令人吮去  
惡血以艾灸傷處五七壯甚者灸百壯神效○一方用米泔  
水洗淨沙糖敷之○一方用杏仁炒黑搗成膏貼之

避犬法 二百四十

瑣碎錄云凡行道遇惡犬卽以左手大拇指掐寅上吹氣一口輪至戌上掐之犬卽退伏

糯米散 二四一 治風犬傷毒

大班蝥 二十一個去頭足翅

右用糯米一撮先將班蝥七個入米內慢火炒勿令焦去蝥又入七個炒令焦色變又去之再入七個炒米出赤烟爲度去蝥不用只將米研爲末分三分冷水入香油少許空心調下一服須臾又進一服以二便利下惡物爲度若腹痛急以青靛調涼水解之或先用黃連甘草煎湯待冷服之不可食

熱物或用涼水調益元散解之甚妙甚者終身禁食犬肉每見食犬肉而復作者不救又見單服班蝥而死者亦有之蓋班蝥毒之尤者雖曰以毒攻毒惟少用之茲用糯米以奪其氣尤宜預備青靛黃連以解其毒而况單服班蝥者豈有不死

寶鑑 定風散 一四二 治諸犬傷毒

南星 生用 防風 等分

右爲末凡被犬咬先以口含漿水吮洗傷處或小便鹽湯俱可洗淨用綿拭乾方上藥末卽不發○或用制過南星一二

錢為末以童便調下亦可治破傷風

諸犬咬虫傷灸法 二四三

凡狼犬蛇蝎蜈蚣諸傷痛極危急或因傷受風而牙關緊急腰背反張不省人事者速切蒜片或搗爛糞傷處隔蒜灸之或二三十壯或四五十壯無不應手而愈取效多矣故本草謂蒜療瘡毒有回生之功夫積在腸胃尚為難療况四肢受患則經絡遠絕藥不易及故古人有淋洗灸刺等法正為通經逐邪導引氣血而設也

解毒散 二四四 一各國老飲○治蠱毒及一切蛇虫惡獸所

傷重者毒氣入腹則眼黑口噤手足強直此藥平易不傷元氣大有神效不可以易而忽之也

明礬 甘草 各一兩

右為末每服二錢不拘時冷水調下亦可敷患處

治馬咬傷 二四五 毒氣入心則危

馬齒莧搗爛煎湯服外以栗子嚼敷患處

蜈蚣毒 二四六

以鹽擦咬處或鹽湯洗傷處痛即止○用後蝎螯方最妙已試○一方用吳茱萸嚼爛擦之或取井底泥傅之

解誤吞蜈蚣方 二四七

昔有婢用火筒吹火不知內有蜈蚣向火一吹蜈蚣驚竄入口不覺下喉求救人無措手適有人云取小雞一隻斷喉取血頓飲之復灌以香油取吐蜈蚣隨出

蝎螫毒 二四八

用生半夏白礬等分為末以醋和敷傷處

亦治蜈蚣傷  
無白礬亦可

又蝎怕胆礬蛇怕雄黃徐春甫云親見蝎螫腫痛用胆礬擦之立消可見南方人家不可無雄黃北方人家不可無胆礬此制蝎第一藥也

解蜂螫毒 一四九

以小便洗擦拭乾以香油塗之○或以雄黃末擦之○或以蝎螫方治之

治鼠咬毒 二百五十

猫毛燒存性入麝香少許香油調敷傷處則不害

治誤吞水蛭 二五一

昔一人夜間飲水誤吞水蛭入腹經停日久復生水蛭食人肝血腹痛不可忍面目黃瘦全不進食不治必死方用田中泥一塊小死魚三枚同猪骨溶搗勻再用巴豆十粒去油同

魚膏四味搗勻丸如綠豆大用田中冷水吞下大人五七丸  
小兒三丸須臾瀉下水蛭盡却用八珍湯調理

中蚯蚓毒 一五二

石灰泡熱水涼洗患處久浸之則愈○小兒多受蚯蚓毒  
則陰莖及囊俱腫如水泡用鴨血塗之或以鴨口含少時  
則消○一方用鹽湯溫洗之即效

治蚕咬毒 二五三

蚕咬人毒入肉中令人發寒熱

苧葉搗敷之汁塗之今治蚕家以苧近蚕則蚕不生發也

解蜘蛛咬毒 二五四

薑汁調胡粉敷瘡口或用清油搽之內飲羊乳

本草云蜘蛛咬人令人一身生絲惟羊乳飲之可解貞元十  
年崔員外從質云日擊有人被蜘蛛咬腹大如孕其家棄之  
乞食於道一僧遇之教飲羊乳未幾日而平

青囊神授散 二五五

治傳屍勞瘵血氣未甚虛損者不必多方

只以此藥早服則虫自不能為患無有不愈者此方得之河  
南郡王府濟世之功不可盡述

川椒 二升去合口者略炒出汗

右為細末空心米飲調服二錢或酒煮米粉糊為丸桐子大



每服三十九以漸增至五十六十九或用酒送

解射工溪毒 二五六 葱白散○治溪澗中射工虫專射行人

形影人中其毒則病如瘧狀或若傷寒俗云沙發中之深者

死急用後方治之

葱白 一握切 豉 半升 葛根 二兩 升麻 七錢半

右剉如豆大每服四錢匕水二盞煎一盞去滓不拘時溫服

移時再服

千 雄黃兌散 一五七 治時氣病蠱下部生虫

雄黃 半兩 桃仁 二兩 青箱子 黃連

苦參 各三兩

右五味為末綿裹如棗核大內下部亦可用棗汁服方寸七

日三

千 治大孔虫癢方 二五八

用大棗蒸爛為膏以水銀和捻長二三寸許綿裹內大孔  
中過宿明且虫皆出但水銀損腸宜慎之○愚按此方水  
銀不必生用但如治頭虱法燒烟以棗肉拌之用必更妙

○頭髮生虱方在新因五三

雄麝散 二五九 治五種蠱毒

明雄黃

麝香

各一字另研

用生羊肺一指大以刀切開安藥在內吞下

醫林丹砂丸 二百六十

治蠱毒

雄黃

朱砂

各另研

藜蘆

略炒

鬼白

巴豆霜

各二錢半

右為末煉蜜九桐子大每服二九空心薑湯下當利惡物並

蠱毒如煩悶以鴨血為羹食之

良方七寶丸 二六一

治蠱毒

敗鼓皮

蚕退紙

刺蝟皮

各燒

五倍子

炒

續隨子

朱砂

另研

雄黃

另研等分

右為細末糯米粥丸小豆大每服七丸空心白水下

蜜髓煎 二六二

治中蠱令人腹內堅痛面目青黃病變無常

真蜜 一碗

猪骨髓

五兩研

右同煎熟分作十服日三服即瘥

歸魂散 二六三

凡初中蠱毒在膈上者當用此藥吐之

白礬

建茶

各一兩

右二味為細末每服五錢新汲水調下頓服之一時久當吐毒出若此藥入口其味甘甜並不覺苦味者即其證也

麥麩散 二六四

治中蠱毒吐血

用小麥麩二合分爲三服以冷水調下半日服盡當下蠱

卽瘥

挑生蠱毒簡易方 二六五

一方明礬芽茶等分爲末凉水調三錢

一方青藍汁頻頻服半合則解

一方石榴皮煎汁飲之當吐出活蟲而愈

以下雜方

救烟筒 二六六

治一切犯寒欬嗽遇冬便作

欬冬菴

鵝管石

雄黃

艾葉

各等分

右爲末鋪艾上用紙捲筒燒烟吸入口內吞下卽嚙茶水一

口壓之自效○一方有佛耳草無艾葉用紙捲成條每切一

節約長三五分許焚爐中吸烟嚙之

靈寶烟筒 二六七

治一切寒喘欬嗽

黃蠟

雄黃

各三錢

佛耳草

欬冬菴

各一錢

艾葉 三分

先將蠟溶化塗紙上次以艾鋪之將三味細研勻摻捲成筒

用火點一頭吸烟吞之清茶送下

七寶美髯丹

二六八

補腎元烏鬚髮延年益壽

何首烏

赤白各一斤

川牛膝

半斤

將何首烏先用米泔水浸一日以竹刀刮去粗皮切作  
大片用黑豆鋪甌中一層却鋪何首烏一層再鋪豆一  
層却鋪牛膝一層又豆一層重重相間面上鋪豆蓋之  
蒸以豆熟為度取起晒乾次日如前換豆再蒸如此七  
次去豆用

破故紙

半斤洗淨用黑芝麻同炒無聲為度  
去芝麻

白茯苓

半斤用人乳浸  
透晒乾蒸熟

赤茯苓

半斤用黑牛乳  
浸透晒乾蒸熟

當歸身

半斤酒洗

枸杞子

半斤去枯蒂者

右共為末煉蜜丸龍眼大每日空心嚼二三丸溫酒米湯鹽  
湯俱可送下○製藥勿犯鐵器○按此即七珍至寶丹少兔

絲子一味

北京烏鬚方

二六九

兩京各處烏鬚者惟此方頗好用之雖

未至簡妙然不壞鬚傷肉制用得法者可黑一月

五倍子

擇川中之大者打作碎粒分粗細為二先將粗

者於鍋內用文火炒成糊次入細者同炒初時大黑烟  
起取出不住手炒將冷又上火炒則黃烟起又取出炒

將冷再上火炒則青黃白烟間出即可住火先以真青布一大片浸濕將梧子傾在布上包成一團用脚踏成餅上用濕泥一担會一夜色如烏羽為妙磁器收貯聽

用

紅銅花 用細紅銅絲炭火煨醋中淬之不拘遍數以化盡為度去醋取銅花晒乾

皂礬 各三分 明礬 各三分 沒石子 食鹽 各二分

砂 淨一分

右每次染時旋配旋用以制梧子二錢為則加銅花四分餘

皆一二分和勻作一服研細以濃茶汁或燒酒用磁鍾調如稀糊坐湯中煮之看鍾內綠氣生面為佳先用皂角湯洗鬚淨拭乾以抵柄塗上用皮紙搭濕包之或以青布囊之過夜次早溫水洗之如不潤用胡桃油擦指潤之一連染二夜其黑如漆亦妙

擦牙烏鬚方 二百七十 先期而擦者永久不白

青鹽 一斤 嫩槐枝葉 五斤切 黑鉛 四兩 沒石子 尖者七錢

右將黑鉛青鹽入鍋內槐枝攪炒俱成灰炭取起將沒石子研細末和入用磁罐盛之每日早晚以藥擦牙漱水吐掌上

擦鬚鬢久久自然潤黑

便易擦牙方 二七一

用五倍子大者一百個裝食鹽一斤鋪在鍋內大火燒過

存性為末每日擦之久則鬚髯皆黑

丹 疝氣神方 二七二

其病甚至氣上衝如有物築塞心臟欲

死手足冷者二三服除根

陳皮

荔枝核

為末炒 焦黃

硫黃

火中溶化即投水中 去毒研細各等分

右為末飯丸桐子大每服十四五丸酒下其疼立止若疼甚

不能支持略加五六丸再不可多也

神仙六子丸 二七三

男子三十歲後服此藥一歲二單製服

不息永不白鬚髮四十以上或見微白及少年髮黃不潤者

服此百日自然漆黑其效如神

兔絲子 制

金鈴子

覆盆子

五味子

枸杞子

蛇床子

炒各一兩

何首烏

酒浸蒸極熟焙

牛膝

酒浸蒸

熟地

酒蒸搗

地骨皮

各三兩

舶上茴香

鹽炒

川木瓜

各二兩

右十二味為細末用浸兔絲酒作糊為丸梧子大每服五七

十九食前溫酒或白湯送下○一方加入參白朮白茯苓各

一兩尤有神效服此大忌三白

疝氣 二七四

方重

四製川楝子丸 二七五

治疝氣一切下部之病悉皆治之凡

腫痛縮小雖多年亦可除根

川楝子 淨肉一斤分四分內一分用鹽一兩茴香一合

同炒黃色去鹽香不用外三分一分用巴豆四十九個

一分用斑蝥四十九個一分用巴戟一兩仍各加麥麩

一合同炒黃色俱去麩藥不用

木香 一兩

破故紙 一兩炒

右為末酒糊丸梧子大每服五七十九鹽湯送下甚者日進

二三服或空心或食前

木香導氣丸 二七六

治男子小腸氣肚疼一切氣積下元屬

冷脾胃不和並宜服之有效

木香

丁香

乳香

香附

川楝子肉

大茴香

破故紙

葫蘆巴炒

甘草 炙

三稜 各一兩

杜仲 炒半兩

右為細末酒糊丸梧子大每服三五十九加至七八十九用

溫酒或鹽湯食前送下日進二三服

去鈴丸 二七七

治疝消鈴

用大茴香一升以老生薑二斤取自然汗浸茴香一宿以薑汁滲盡為度入好青鹽二兩同炒赤取出焙乾為末用無灰酒浸蒸餅為丸梧子大空心食前酒下二三十九或米飲亦可○此方實脾疎肝所以治疝多效非如常法之尅伐故為妙也

事後中寒腹痛方 二七八

凡房事後中寒厥冷嘔惡腹痛者用葱薑搗爛衝熱酒服之睡少頃出汗即愈○如腹痛甚者以葱白頭搗爛攤臍上以艾灸之或熨之亦可得鼻尖有汗其痛即止

濕疝陰丸作痛 二七九

蘄艾

紫蘇葉 烘乾 川椒 炒熱各三兩

右三味拌勻乘熱用絹袋盛夾囊下勿令走氣冷即易之

薰熨脫肛方 二百八十

治氣痔脫肛

枳殼 麪炒

防風 去叉各 一兩 枯礬 二錢半

右明用水三碗煎至二碗乘熱薰之仍以軟帛蘸湯熨之通手即淋洗

薰洗脫肛法 二八一

用赤皮葱薑菜二味各帶根者煎湯入大楓子防風末各



數錢乘熱薰洗立收上○一方用五椀子煎湯洗以赤石  
脂末摻上托入或脫長者以向牀相並中空尺許以磁瓶  
盛湯令病人仰臥浸瓶中逐日易之收盡為度○又泄腸  
散方在小兒五四

參朮芎歸湯 二八二

治瀉痢產育氣虛脫肛脈濡而弦者

人參

白朮

川芎

當歸

黃芪

酒炒

山藥

炒

白芍藥

白茯苓

升麻

炙甘草

右生薑水煎服○按此方若治泄痢虛滑脫肛仍須加製附

子肉豆蔻方效

涼血清腸散

二八三

治大腸血熱脫肛

生地黃

當歸

芍藥

各錢半

黃芩

黃連

防風

荆芥

升麻

各一錢

香附

川芎

甘草

各五分

水一鍾半煎服

縮砂散

二八四

治大腸伏熱脫肛紅腫

縮砂仁

黃連

木賊

等分

右為細末每服二錢空心米飲調下

訶子人參湯 二八五 治證同前

訶子 煨去核 人參

白茯苓 白朮

炙甘草 蓮肉 升麻 柴胡 等分

水一鍾半加生薑煎服

瀉腸散 二八六 治久痢大腸滑脫

訶子 赤石脂 龍骨 等分

右為末以臘茶少許和藥摻腸頭上用絹帛揉入○又方用

鼈頭煨存性入枯礬少許如上揉入

蟠龍散 二八七 治陽證脫肛腫痛

地龍 晒乾 風化硝 二兩

右為末每用一二錢肛門濕則乾摻燥則清油調搽先以見

腫消荆芥生葱煮水候溫洗輕輕拭乾然後敷藥

伏龍肝散 二八八 治陰症脫肛

伏龍肝 一兩 鼈頭骨 五錢 百藥煎 二錢半

右為末每用一二錢濃煎紫蘇湯候溫洗過以清麻油調藥

傳如前法

獨蒜通便方 二八九 治小便不通

獨蒜 一枚 梔子 三七枚 鹽花 少許

右搗爛攤紙上貼臍良久即通未通塗陰囊上立通

小便不通經驗方 二百九十

以朴硝為末每服二錢空心煎茴香湯下○又方用蚯蚓  
杵以涼水攄過濃服半碗立通大解熱疾不知人事欲死  
服之甚效

小水不通葱熨法 二九一

用葱三斤慢火炒香熟以絹帕裹更替熨臍下即通或用  
鹽炒熟熨之冷則再易須臾即通

雞內金散 二九二 治氣虛弱尿

用雄雞胫脰并腸燒為末溫酒調服

狐腋氣五方 二九三 治陰汗鴉臭兩腋下臭不可與人同行

枯白礬 蜜陀僧 黃丹 麝香 各二錢 五分

右於乳鉢內研細以醋於手心內調藥搽腋下經兩時許即  
以香白芷煎湯洗之一日用一次

又治腋氣神效方

蜜陀僧 四兩 枯白礬 二兩 輕粉 三錢

右為細末頻擦兩腋擦至半月見效半年全愈

又腋氣方

用熱蒸餅一枚，擘作兩片，搽蜜陀僧細末一錢許，急挾在腋下，畧睡少時候，冷棄之。如一腋有病，只用一半。葉元方平生苦此疾，來紹興偶得此方，用一次遂絕根本。

又腋氣方

單用枯礬為極細末，以絹袋盛之，常以撲於腋下，不過十度即愈。一方以唾調塗之。

又腋氣方

先剃去腋毛，令淨，用白定粉水調搽，傳患處，至六七日後，清晨看腋下有一黑點如針孔大者，以筆點定，即用小艾

炷灸七壯，灸過或有濁氣攻心作痛者，當用後藥下之。

丁香

青木香

檳榔

檀香

射香

大黃

右煎服，以下為度。

脚汗牡蠣散

一九四

治脚汗除穢氣

牡蠣

煨

枯白礬

蜜陀僧

黃丹

等分

右為細末，每用少許，乾搽脚指縫中即收。

煨囊牡蠣散

一九五

治陰囊濕痒，搔之則汁水流珠，用此極

效。

牡蠣醋煨一錢 雄黃一錢 枯礬 硫黃

苦參 蛇牀子 各二錢

右為細末先用蒼朮椒鹽煎湯洗濕處後用此藥搽之

蒸洗陰囊法 二九六 治一切陰囊濕痒

陳茶 一撮 蒼朮 二錢 花椒 蛇床子

白礬 各一錢 蒼耳草 量入 炒鹽 半兩 朴硝 三錢

右用水四碗先將前五味煎湯去粗乃入後三味泡化先薰

後洗三四次絕痒

海蘇丸 二九七

龍腦薄荷 粉草 冰糖 各四兩 烏梅肉 三

白檀香 紫蘇葉 各二兩

右為極細末以熟棗肉搗丸芡實大勿用鐵器

永梅丸 二九八

龍腦薄荷 二兩 白糖 柿霜 各四兩 烏梅肉

桔梗 各五錢 兒茶 二錢 甘草 一錢 冰片 一分

右為極細末煉蜜丸龍眼核大

龍腦上清丸 二九九

烏梅肉 腦荷 各四兩 白檀香 蘇葉

兒茶

硼砂

沙糖

各二兩

冰糖

柿霜

各八兩

乾葛

粉草

各一兩

冰片

三分

右為極細末蜜九櫻桃大

上清丸

三百

佳方

腦荷

二兩

雨茶

白硼砂

七錢

烏梅肉

貝母

訶子

各三錢

冰片

二分

煉蜜丸

辟邪丹

三百一

方在痘疹百三十

辟一切穢寒邪氣

福建香茶餅

三百二

能辟一切瘴氣時疫傷寒穢氣不時噏

口中邪氣不入

沉香

白檀

各一兩

兒茶

二兩

粉草

五錢

麝香

五分

冰片

三分

右為極細末糯米調飲湯為丸黍米大噏化

香髮木樨油

採桂花半開者去莖蒂令淨每花二升用真麻油一斤輕

手拌勻納磁瓶中用油紙緊封器口坐釜中湯煮一餉持

起頓燥處十日後掀出用麻布濾絞清油封閉緊密收之

愈久愈香○或用菜子油亦可

玉容散 三百四

治面生黑黧雀斑

甘松

三奈

茅香

各半兩

白芷

白芨

白欵

白殭蚕

白附子

天花粉

綠豆粉

各一兩

防風

零陵香

藁本

各二錢

肥皂

二錢去皮弦

右為細末每早晚蘸末洗面

硫黃膏

三百五

治面部生瘡或鼻赤風刺粉刺

硫黃

白芷

天花粉

水粉

各五分

全蝎 一枚

蟬蛻

五個

芫青

七個去頭足

右為細末用麻油黃蠟約多寡如合面油熬勻離火方入前末藥和勻每於臨臥時洗面淨以少許塗面勿近眼數日間腫處自平赤鼻亦消如退風刺一夕見效



全書卷六十 終

全書卷六十

古方 因障


五

Blank aged paper cover with a small red seal at the bottom center and a piece of torn paper on the left side.

Blank aged paper cover with a vertical strip of paper on the right side and faint ghosting of text from the reverse side.



Handwritten Chinese text in vertical columns, likely bleed-through from the reverse side of the page. The characters are arranged in approximately 10 columns, with some characters appearing to be in seal script or a similar historical form. The text is significantly faded and difficult to decipher.



大將... 征... 征... 征...

... 征... 征... 征...

... 征... 征... 征...

作回

... 征... 征... 征...

... 征... 征... 征...

... 征... 征... 征...

... 征... 征... 征...

... 征... 征... 征...

征... 征... 征...

征... 征... 征...